



SIPA uhapsila šest bivših pripadnika Petog korpusa Armije RBiH Osumnjičeni za zločin nad Srbima i autonomašima



Svi uhapšeni predati Tužilaštvu BiH na dalje postupanje
FOTO ARHIVA

Istraga: Terete ih da su ubili osam zarobljenih pripadnika VRS, jednog autonomaša i tri civila simpatizera NO APZB

BUŽIM, BOSANSKA KRUPA - Pripadnici SIPA uhapsili su juče Zijada Nanića (52), Esada Kudelića (49), Senada Salkića (48), Samira Isakovića (44) i Hasana Mustafića (61) iz Bužima i Nedžada Bapića (40) iz Bosanske Krupe zbog ratnog zločina počinjenog na području Bužima.

Svi uhapšeni su nekadašnji pripadnici voda Vojne policije

505. bužimske brigade koja je bila u sastavu Petog korpusa Armije RBiH.

Terete ih za ratne zločine i nehumano postupanje prema ratnim zarobljenicima i civilnom stanovništvu na

Uhapšeni

Zijad Nanić
Esad Kudelić
Senad Salkić

Samir Isaković
Hasan Mustafić
Nedžad Bapić

području Bužima tokom 1994. i 1995. godine. Počinjena krivična djela dovode se i u vezu sa djelima koja se odnose na individualnu i komandnu odgovornost.

Nanića, u svojstvu pomoćnika komandanta za bezbjednost 505. bužimske brigade, i Kudelića, u svojstvu komandira voda u Vojnoj policiji u Komandi 505. brigade, te ostale u svojstvu vojnih policajaca terete da su ubili osam zarobljenih pripadnika Vojske RS, jednog pripadnika Narodne odbrane Autonome pokrajine Zapadna Bosna (NO APZB) i tri civila simpatizera NO APZB.

Osumnjičeni su da su ova ubistva počinili u zatvoru formiranom Komandi 505. bužimske brigade, Petog korpu-

sa Armije RBiH, koja je bila smještena u bivšem hotelu "Radoč" u mjestu Radoču, kod Bužima. Tamo su nezakonito držani civili i ratni zarobljenici koji su bili izloženi mučenjima, silovanjima i nečovječnom postupanju.

ZATVOR Osumnjičeni su da su ubistva počinili u zatvoru u kome su nezakonito držani civili i ratni zarobljenici

Svi uhapšeni su provedeni u prostorije SIPA, gdje su kriminalistički obrađeni, a potom su predati Tužilaštvu BiH na dalje postupanje.

Osumnjičeni će u zakonskom roku biti predati postupajućem tužiocu, koji će ih ispitati i nakon toga odlučiti o prijedlogu za pritvor ili mjere zabrane.

Akcija hapšenja je izazvala oštre reakcije među udruženjima boraca ARBiH u USK, jer je među uhapšenima i Zijad Nanić, brat nekadašnjeg komandanta 505. bužimske brigade, Izeta Nanića, koji je poginuo tokom prošlog rata u BiH.